

НОРМА МАСЛАХАТЧИ

хукук
солиқлар
бухгалтерия

2005 йил июлдан чиңа бошлаган

2014 ЙИЛДА МАМЛАКАТИМИЗ СОЛИҚ СИЁСАТИ

Олий Мажлис Қонунчиллик палатаси ва Сенат сўнгги бир неча ҳафта мобайнида мамлакатимизнинг 2014 йил учун бюджети ва Ўзбекистон солиқ тизимини янада ривожлантиришга қаратилган қатор қонун хужжатларини кўриб чиқди ва қабул қилди. Ушбу муҳим хужжатлар асосида ётуючи солиқ сиёсати 2014 йилда хўжалик субъектларига солиқ юкини янада пасайтиришга, кичик ва хусусий бизнесни ривожлантиришни раббатлантиришга, фуқароларнинг даромадларини оширишга ва уларнинг харид қилиши қобилиятини кўтаришга, солиқ маъмураниятилигини соддалаштириш ва такомиллаштиришга йўналтирилган.



Ҳисоб-китоб қилишни бирхиллаштириш назарда тутилмоқда.

Хизмат кўрсатиш соҳаси корхоналари учун пластик карточкаларини қўллаган ҳолда тўлаш билан кўрсатилган хизматлар ҳажми бўйича фойда солиги ва ЯСТ ставкаларининг пасайтирилиши 2014 йилда 5% (жорий йилда – 10%) микдорида бўлиши назарда тутилмоқда. Қатор йиллар давомида амал қилган имтиёзлар ўз натижаларини кўрсатди – бугунги кунда деярли барча жойларда аҳолига кўрсатилётган хизматларга тўлов пластик карточкалар билан амалга оширилмоқда. Масалан, чакана тармоқ ва умумий овқатланиш соҳасида пластик карталарни қўллаган ҳолда амалга оширилган товар айланмаси 2008 йилдаги 20%га нисбатан 2012 йилда 50%дан ошди.

Бир қатор солиқлар ва мажбурий тўловлар бўйича амалдаги ставкаларни сақлаб қолиш режалаштирилмоқда – кўшилган қиймат солиги (20%), ЯИТ (25%). Давлат мақсадли жамғармалари ҳамда Таълим ва тиббиёт муассасаларини реконструкция қилиш, мукаммал таъмирлаш ва жиҳозлаш жамғармасига мажбурий ажратмалар бўйича.

Акциз солигининг айрим ставкаларини (алкоголь ичимликлар, пиво, спирт, тамаки маҳсулотлари ва бошқалар) ўртача 5-25%га индексациялаш назарда тутилган.

2-бетда

ЮРИДИК ШАХСЛАРНИ НИМАЛАР КУТМОҚДА

2014 йилда фойда солигининг базавий ставкасини 9%дан 8%га пасайтириш назарда тутилмоқда. Бу йирик корхоналарга солиқ юкини пасайтиради, уларга моддий-техника базасини мустаҳкамлаш ва меҳнатни раббатлантириш учун кўшимча манбаларни яратади. Базавий ставканинг пасайтирилиши мазкур тоифадаги солиқ тўловчиларнинг 130 млрд сўм сақлаб қолиш имкониятини беради.

Ободонлаштириш ва ижтимоий инфратузилмани ривожлантириш солиги ставкасини амалдаги даражада – соф фойдадан 8% микдорида сақлаб қолиш кутилаётир. Бунда солиқ тўловчининг даромади сифатида қаралмайдиган бюджетдан субсидиялар, текин олинган маблағлар, суғурта қопламасини чиқариб ташлаш йўли билан ушбу солиқ ва фойда солигининг солиқ солиш базасини

Акциз солигининг айрим ставкаларини (алкоголь ичимликлар, пиво, спирт, тамаки маҳсулотлари ва бошқалар) ўртача 5-25%га индексациялаш назарда тутилган.

2-бетда

ИЛГОРЛАР САРАЛАНДИ



Ҳар қандай касбнинг устаси бўлиш ўз ишини кўпчиликдан кўра яхши билиш ва бажара олиши демакдир. «Энг яхши аудитор-2013» ва «Энг яхши бухгалтер-2013» танлови иштирокчилари ўзларининг ижодий деб бўлмайдиган касблари ёшлар учун жозибали бўлиб бораётганини, уни билган кишиларга эса иқтисодиётнинг барча соҳаларида талаб борлигини кўрсатдилар.

Танловда энг журъатли ҳамда фаол бухгалтер ва аудиторлар жамланди. Улар учун бу тадбир билим ва амалий кўнкимлар синови бўлди. Танлов ғолиблари дипломлар ва эсдалик совғалар билан тақдирландилар. Тадбир ҳақидаги материялар билан «Аудитор хабарномаси»да танишишингиз мумкин.

3-6-бетларда

Қонунчилликдаги янгиликлар

ЯНГИ ХУЖЖАТЛАРНИ ТАҚДИМ ЭТАМИЗ

Тақдим этилаётган, шунингдек сўнгги пайтда қабул қилинган бошқа хужжатларнинг тўлиқ матни билан norma.uz сайтида танишиб чиқишингиз мумкин.



ДЕПАРТАМЕНТДА ХИЗМАТНИ ЎТАШ БЎЙИЧА НИЗОМ ЯНГИЛАНДИ

Президентнинг «Ўзбекистон Республикаси прокуратураси органлари ва муассасаларида хизматни ўташ тўғрисидаги низомни тасдиқлаш ҳақида» қарорини (12.09.2013 йилдаги ПҚ-2036-сон) бажариш юзасидан Вазирлар Маҳкамасининг 5.12.2013 йилдаги 318-сон қарори билан Вазирлар Маҳкамасининг «Иқтисодиёт ва солиқ соҳасидаги жиноятларга қарши курашиши кучайтириш чора-тадбирлари тўғрисида» қарорига (6.07.2001 йилдаги 291-сон) ўзгартиришлар киритилди.

Қарорга киритилган ўзгартиришларга мувофиқ Баш прокуратура хузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаменти ва унинг худудий бўлинмалари айрим масъул шахсларининг «Прокуратура тўғрисида»ги Қонуннинг 47-моддасига биноан прокуратура органлари ходимларига улар эгаллаган лавозимлари ва иш стажларини ҳисобга олган ҳолда бериладиган даражали увонлари оширилди.

Юқорида айтиб тутилган Департаментда хизматни ўташ тўғрисидаги низом янги таҳрирда тасдиқланди. Унда Департаментнинг даражали увонларга эга бўлган барча ходимларига, шунингдек синов муддатини ўтаётган шахсларга татбиқ этиладиган Департаментга қабул қилиш тартиби ва хизматни ўташ шарт-шароитларини, даражали увонлар бериш ва улардан маҳрум қилиш, рағбатлантириш ва интизомий жавобгарликка тортиш тартиби белгиланган.

Аниқлаштирилишича, Департамент ходимлари давлат ҳимоясида бўлғанликлари муносабати билан ушлаб турилиши, шахсий қўриқдан ўтказилиши, буюмлари ва машиналарини қўриқдан ўтказилишига йўл қўйилмайди, қонун хужжатларида назарда тутилган ҳолатлар бундан мустасно. Нафақат хизматни ўтаётган, балки хизматни тўхтатган ходимларни маъмурӣ жавобгарликка тортиш, уларга нисбатан жиноий иш қўзғатиши Баш прокурор, унинг ўринbosарлари, худудлар прокурорлари томонидан уларнинг ваколатлари доирасида ҳал этилади.

Баш прокурор томонидан тасдиқланган прокуратура органларининг ходимлари касб одоби қоидаларига риоя қилинишига оид талаблар жорий қилинди. Ушбу қоидалар бузилган тақдирда хизмат текшируви ўтказилади, текширув натижасида вақтнчалик, лекин 1 ойдан ортиқ бўлмаган муддатга хизмат вазифаларини бажаришдан озод қилишгача чора кўрилади.

Пораҳурлик ва бошқа сунистеъмолчиликларнинг олдини олиш мақсадида Низомга мувофиқ ходимлар ротация қилинади, уни ўтказиш тартиби Баш прокурорнинг буйруги билан белгиланди. Бундан ташқари, ҳужожат билан кадрлар захирасини шакллантириш назарда тутилган, бу жараён профессионал ходимларни ишга қабул қилиш, бошқарувчилик қобилиятига эга ходимларни аниқлаш ва жой-жойига қўйишдан иборат.

Хизматдаги ташаббускорликлари ва тезкорлиги, хизмат вазифаларини вижданан ва намунали бажарганиларни учун рағбатлантиришлар сирасида «Ўзбекистон Республикаси прокуратурасининг Фахрий ходими» кўкрак нишони билан тақдирлаш белгиланди, Низомга мувофиқ тақдирлаш Баш прокурор томонидан амалга оширилади.

Шунингдек Президентнинг Ўзбекистон Республикаси прокуратура органлари ходимларини моддий рағбатлантириш ва ижтимоий ҳимоя қилишини кучайтириш бўйича чора-тадбирлар тўғрисидаги қарори (13.11.2013 йилдаги ПҚ-2065-сон) нормалари Департамент ходимларига татбиқ этилади, шу бос Низом билан Ягона тариф сеткаси бўйича меҳнатга ҳақ тўлаш разрядлари ва Департамент ходимларининг лавозим маошларига меҳнатнинг алоҳида шарт-шароитлари учун ойлик устамалар миқдорлари тасдиқланди.

7-бетда

2014 ЙИЛДА МАМЛАКАТИМИЗ СОЛИҚ СИЁСАТИ

1-бетда

Мол-мулк солигини ҳисоблашадаги ўзгартыришлар йирик корхоналарни модернизация қилиш ва техник қайта қуроллантиришга рағбатлантиради. 2014 йилда ушбу соликнинг солик солиш базаси фойдаланиш муддати 10 йилдан ошмайдиган асбоб-ускуналарнинг қийматига камайтирилади. Бунда бюджеттага даромадлар тушмаслигини қисман компенсациялаш мақсадида мол-мулк солиги ставкаси 3,5%дан 4%га кўтарилади, солик солиш базасига корхоналар балансида бўлган уй-жой фонди обьектлари қиймати киритилади.

2014 йилда бюджетнинг даромад қисмини шакллантиришда ресурс соликлари янада катта аҳамиятга эга бўлади. Бунинг учун, биринчидан, амалдаги ер солиги ставкаларини 20%га индексациялаш назарда тутилади. Шу билан бир вақтда ҳудудий зоналаш (амалдаги 14 та зона ўрнига 5 та зонани ўрнатиш) қайта кўриб чиқилиши ҳисобига Тошкент шаҳрида зоналаш бўйича ер солиги ставкалари бирхиллаштирилади. Ҳудудий зоналашнинг асосий мезонларидан бўлиб кўидагилар ҳисобланади:

- зоналарнинг марказдан узоқлашув даражаси;
- экологик вазият (газ билан ифлосланганлик даражаси, шамол йўналиши ва бошқалар);

- транспорт коммуникацияларининг ривожланиши даражаси;
- ижтимоий инфратизилманинг (бозорлар, таълим ва тибиёт муассасалари, маданият ва спорт ташкилотлари) мавжудлиги.

Иккинчидан, сув ресурсларидан фойдаланганлик учун соликнинг амалдаги ставкалари 20%га индексацияланади.

Ушбу соликлар ставкаларини индексациялаш ер ва сув ресурсларидан фойдаланиш самарасини оширишга ёрдам беради.

Қишлоқ ҳўялиги товар ишлаб чиқарувчилари томонидан тўланадиган ягона ер солигига келсак, амалдаги ставка (қишлоқ ҳўялиги ерларининг норматив қийматидан 6%) 2014 йилда сақлаб қолинади. Улар учун яна бир яхши янгилик – будавлат мақсадли жамғармаларига мажбурий ажратмаларнинг бекор қилиниши бўлди.

Қабул қилинган ҳўяжатларда ягона солик тўловининг амалдаги ставкаларини сақлаб қолиш назарда тутилаётir. Микрофирма ва кичик корхоналарнинг солик юки (соликларнинг тушумга нисбати) умумбелгиланган соликларни тўловчи корхоналарнинг солик юқидан 2 баравардан ортиқ кам бўлишига қарамай, шундай қилинди.

ЖИСМОНИЙ ШАХСЛАР УЧУН ЯНГИЛИКЛАР

Умуман олганда, жисмоний шахсларнинг даромадларига солик юки 2014 йилда сақлаб қолинади. Бир томондан, жисмоний шахслар даромадларининг солик солиш шкаласининг минимал ставкаси 8%дан 7,5%га пасайтирилади. Бошқа томондан, фуқароларнинг сутурта бадаллари ставкаси 0,5 фоиз бандга кўтарилади – 2014 йилда у 6,5%ни ташкил этиб, Пенсия жамғармасининг даромад базасини оширади.

Ҳозирда энг кам солик солинадиган даромадни аниқлаш учун жисмоний шахслар томонидан факат турар жойларни ижарага беришда ижара тўловларининг базавий миқдорлари амал қўлимоқда. Солик базасини кенгайтириш мақсадида ушбу амалиёт фуқаролар томонидан хотурар жойларни ижарага беришда ҳам татбиқ этиладиган бўлди. Нотурар жой ижарага берилганда ижара тўловининг энг кам миқдори турар жойни ижарага бергандагига нисбатан 2 баравар юқори ўрнатилади.

Автотранспорт воситаларини ижарага беришнинг энг кам ставкаларини белгилаш ҳам шу мақсадга хизмат қиласди. Улар автотранспорт воситаси туридан келиб чиқиб, ҳар бир бирликка белгиланади. Масалан, енгил автомобиллар учун ижаранинг энг кам ставкаси бир ойга 220,0 минг сўмни, бошқа автотранспорт воситалари (микроавтобуслар, автобуслар, юк автомобиллари) учун 430,0 минг сўмни ташкил этади.

Жисмоний шахсларнинг ер ва мол-мулк солиги ставкалари 2014 йилда тегиши равища 20% ва 15%га индексация қилинади. Бунда шаҳарларда яшовчилар учун квартира ва уйларнинг майдонларидан келиб чиқиб оширилган ставкалар сақлаб қолинади.

СОЛИҚ МАЪМУРИЯТЧИЛИГИДАГИ ЎЗГАРТИРИШЛАР

Солик маъмуритчилигини такомилаштириш доирасида 2014 йилда қўидагилар назарда тутилади:

1. Тадбиркорлик субъектларининг бавзи солик ҳуқуқбазарларни учун жавобгарликни янада эркинлаштириш. Ҳозирда товарлар (ишлар, хизматлар) реализациясидан тушумни яшириш (пасайтириш) аниқланганда тадбиркор яширилган (пасайтирилган) тушум суммасининг миқдорида жарима тўлайди. Амалиётнинг кўрсатишича, бу, бир томондан, корхоналарнинг банкротлигига, бошқа томондан эса ҳисобланган жаримани тўлай олмаслик ҳамда сўндирилмаган боқимонда қарзининг ҳосил бўлишига олиб келади. 2014 йилдан бошлаб яширилган (пасайтирилган) тушумлар суммасига қонун ҳуқуқларига мувофиқ соликлар ва бошқа мажбурий тўловлар ҳисобланган ҳолда жарима суммасини яширилган (пасайтирилган) тушумнинг 20%игача тушириш тақлиф қилинмоқда. Бу жарималар кўллангандан кейин корхоналарнинг асосланмаган банкротлигини олдини олишга, сўндирилмаган боқимондалар ҳажмининг пасайишига ёрдам беради.

2. Агар бу маблағлар ҳуқуқни муҳофаза қилувчи органларга тўланган бўлса, жиноят иши доирасида текширув натижалари бўйича қўшимча ҳисобланган соликлар суммаларини мажбурий ундириш чораларини кўлламаслик. Ҳозирги вақтда ҳисобланган жарима санкциялари тўлови ҳисобига ва жиноят иши доирасида текширувлар натижалари бўйича қўшимча ҳисоблаш маблағлари ҳуқуқни муҳофаза қилувчи органларнинг депозит ҳисобваракларига келиб тушади. Солик органлари қўшимча ҳисобланган суммалар ҳақиқатда тўланганлиги ҳақида ахборотга эга бўлмайдилар ва қонун ҳуқуқларига мувофиқ уларни давлат бюджетига тўланмаган суммалар сифатида ундириш чораларини кўрадилар. Бунинг натижасида корхона бир кўринишдаги маблағни икки марта тўлайди. 2014 йилдан бошлаб ушбу муаммо бартараф этилади – ҳуқуқни муҳофаза қилувчи органлар депозит ҳисобваракларига жиноят иши доирасидаги текширувлар натижалари

бўйича ўтказиладиган қўшимча ҳисобланган соликлар суммасига пенялар ҳисобланмайди, мажбурий ундириш чоралари ҳам кўрилмайди.

3. Бугунги кунда иккى томонлама солик солмаслик тўғрисидаги битимлар меъёрлари ДСҚ томонидан норезидентнинг унга нисбатан ҳалқаро шартнома меъёрларини кўллаш тўғрисидаги аризаси тасдиқлангандан кейингина кўлланилиди. Тасдиқланган ариза солик агенти учун фойда солиги суммасини пасайтириш ёхуд соликнинг тўлашдан озод этишга асос бўлиб ҳисобланади. ДСҚ томонидан тасдиқланган ариза мавжуд бўлмаган тақдирда солик агенти ҳалқаро шартнома мавжуд бўлишига қарамай, даромад солигини тўлашда уни ушлаб қолиши керак.

Бу масалани ҳал этиш учун норезидентларга айрим турдаги даромадларни (дивидендларни, фоизларни, роялти) тўловчи юридик шахсларга 2014 йилдан бошлаб хорижий шерик резидентларни тасдиқловчи норезидент томонидан тақдим этилган ҳуқоқ асосида ҳалқаро шартнома меъёрларини мустақил равишда кўллаш ҳуқуқи берилади. Бу ҳалқаро амалиётга тўлиқ мос келади ва солик маъмуритчилигини ҳамда ҳалқаро шартномаларни кўллаш тартиб-таомилларини соддапаштиришга ёрдам беради.

4. Хорижий шахслар ўртасида Ўзбекистон Республикаси юридик шахсларни устав капиталидаги акцияларни (улушларни), шунингдек кўчмас мулкни реализация қилиш бўйича битимни амалга оширишда даромад юзага келади, унинг ҳосил бўлиш манбай бўлиб Ўзбекистон Республикаси Марказий банки мазкур валютларни ушбу қийматда сотини ёки сотиб олиши мажбуриятини олмаган.

**Раевиль САБИРЖАНОВ,
Олий Мажлис Қонунчилик
палатаси депутати,
Бюджет ва иқтисодий
ислоҳотлар қўмитаси аъзоси.**

МДХ ВА БОЛТИҚБҮЙИ МАМЛАКАТЛАРИ ВАЛЮТАЛАРИНИНГ АҚШ ДОЛЛАРИ, ЕВРО ВА РОССИЯ РУБЛИГА НИСБАТАН КУРСЛАРИ

Мамлакат	Сана	АҚШ доллари		Евро		Россия рубли	
		бирлиги	курси	бирлиги	курси	бирлиги	курси
Озарбайжон	23.12.2013	1	0,7845	1	1,0728	1	0,0238
Арманистон	20.12.2013	1	405,54	1	553,32	1	12,28
Беларусь	23.12.2013	1	9480,00	1	12980,00	1	287,50
Грузия	23.12.2013	1	1,7168	1	2,3445	100	5,2056
Қозогистон	23.12.2013	1	153,72	1	209,69	1	4,66
Қирғизистон	23.12.2013	1	49,2335	1	67,1422	1	1,4928
Латвия	23.12.2013	1	0,514000	1	0,702804	1	0,015600
Литва	27.12.2013	1	2,5229	1	3,4528	1	0,076595
Молдавия	23.12.2013	1	12,9974	1	17,7446	1	0,3937
Россия	21.12.2013	1	32,9798	1	44,9680	–	–
Тоҷикистон	23.12.2013	1	4,7732	1	6,4703	1	0,1477
Украина	23.12.2013	100	799,3000	100	1091,4442	10	2,4236
Эстония	31.12.2010	1	11,7107	1	15,6466	1	0,383246

Марказий (миллий) банкларнинг расмий сайтлари маълумотлари асосида.


ХОРИЖИЙ ВАЛЮТАЛАРИНИНГ СҮМГА НИСБАТАН ҚИЙМАТИ

Ўзбекистон Республикаси Марказий банки 2013 йил 24 декабрдан бошлаб валюта операциялари бўйича бухгалтерия ҳисоби, статистик ва бошқа ҳисоботларни юритиши, шунингдек, божхона ва бошқа мажбурий тўловлари учун хорижий валюталарнинг сўмга нисбатан қўйидаги қийматини белгилади:*)

1 Австралия доллари	1965,64	1 Польша злотийси	724,42
1 Англия фунт стерлинги	3599,19	1 СДР	3379,64
1 Дания кронаси	403,74	1 Туркия лираси	1054,97
1 БАА дирҳами	599,57	1 Швейцария франки	2458,31
1 АҚШ доллари	2202,15	1 ЕВРО	3028,91
1 Миср фунти	319,75	10 Жанубий Корея вони	20,76
1 Исландия кронаси	18,93	10 Япония иенаси	211,64
1 Канада доллари	2068,91	1 Хитой юани	362,73
1 Малайзия рингитти	688,64	1 Россия рубли	66,77
1 Украина гривнаси	275,51	1 Украина тирини	–

*) Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотини ёки сотиб олиши мажбуриятини олмаган.


Аудитор хабарномаси



Ушбу сонда:

- Илгорлар сараланди
- Асосий воситалар ҳисобига доир баъзи масалалар
- Профессионал иш эътирофи

- ХБФ якунларни чиқарди
- Бозор қиймати номинал қийматдан ошганда...
- Ҳисобот тақдим этиш шарт!
- Бутун дунё аудиторлари Римда учрашадилар



ТАНЛОВ-2013

ИЛГОРЛАР САРАЛАНДИ

«Аудиторлик фаолияти тўғрисида»ги Қонун (9.12.1992 йилдаги 734-XII-сон) қабул қилинган кунга багишлаб Тошкентдаги «Grand Mir Hotel» меҳмонхонасида байрам тадбiri ўтказилди. Ушбу кун 2010 йилдан бошлаб ҳар йили нишонланади. Тадбир доирасида «Энг яхши аудитор-2013» ва «Энг яхши бухгалтер-2013» республика танловларининг ғолиблари эълон қилинди.

Тадбирда профессионал ташкилотларнинг 120 намояндаси иштирок этди, улар орасида мамлакатимиз аудиторлик ташкилотлари ҳамда Ўзбекистонда фаолият олиб бораётган хорижий аудиторлик ташкилотлари раҳбарлари, шунингдек аудиторлик ва бухгалтерлик касблари соҳасидаги юқори малакали мутахассислар иштирок этдилар. Тантанали кечага Олий Мажлис Қонунчилик палатасидан, молия ва адлия вазирликларидан, Давлат божхона қўмитаси ва Давлат солиқ қўмитасидан меҳмонлар тақлиф этилди.

«Энг яхши аудитор-2013» деган ном учун ўтказилган танловда малака сертификатига эга бўлган, мамлакатимиз ҳудудида иш олиб бораётган аудиторлар қатнашдилар. Ўз навбатида «Энг яхши бухгалтер-2013» унвони учун Ўзбекистонда ишлаётган амалиётчи бухгалтерлар куч синашдилар. Ҳар иккала танлов Ўзбекистон Республикаси Молия вазирлигининг қўмагида ўтказилди.

Шуни эслатиб ўтиш жоизки, «Йилнинг энг яхши аудитори» танловини ўтказиш мамлакат Президентининг «2011–2015 йилларда республика молия-банк тизимини янада ислоҳ қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида»ги Қарори (26.11.2010 йилдаги ПҚ-1438-сон) билан тасдиқланган.

Айни шу Қарорда аудиторлик ташкилотлари рейтингини ўтказиш ҳам белгилаб қўйилган бўлиб, бу иш аудиторлик компаниясининг ривожланишини, унинг професионализми даражасини баҳолайди, баҳолаш мезонларига мувофиқ аудиторлик ташкилотлари муайян тартибда жойлашуви таъминланади ҳам. Ўтган йили у ёки бу ташкилотнинг рейтинг баҳосини аниқлаш учун аудиторлар танловида иштирок этганлик ҳам инобатга олинди. Хусусан, «Корпоратив салоҳият» омилини баҳолашда «Йилнинг энг яхши аудитори» танловининг I турида иштирок этганлик учун умумий рейтинг факторининг 4,2, II турида иштирок этганлик учун 8,3 фоиз, ғолибларга эса 12,5 фоизи улушини бериш назарда тутилган эди.

Бу йил танлов икки турда ўтказилди. Биринчиси сиртқи танлов бўлиб, унда иштирок этиш учун бадал (энг кам иш



**СОЛИК
БОЖХОНА
ХАБАРИ**
СОЛИК ИНФО

ҳақининг 1 баравари миқдорида) тўлаган иштирокчиларга тест саволлари жўнатилди. I тур тест саволлари porta.uz ва бухгалтерлар ва аудиторларнинг профессионал бирлашмасининг сайтида чоп этилган эди. Саволларга жавобларни электрон почта орқали ёки маҳсус бланкада оддий хат йўсинида юбориш мумкин бўлди. I тур иштирокчилари иш жойидан маълумотнома (бухгалтерлар учун) ёки малака сертификатини (аудиторлар учун) тақдим этишлари керак эди.

«Йилнинг энг яхши бухгалтери» танловининг биринчи турида 12 даъвогар иштирок этди, «Йилнинг энг яхши аудитори» унвонига эса 39 компаниядан 74 аудитор талабор бўлди.

Шуни эътироф этиш керакки, «Йилнинг энг яхши аудитори» танлови тўртинчи марта, «Йилнинг энг яхши бухгалтери» танлови эса Ўзбекистонда илк бор ўтказилмоқда.

Танловлар доирасида иштирокчиларнинг касб маҳорати, ҳам назарий, ҳам амалий жиҳатдан билим ва кўнималари баҳоланди.

I тур саволларига келган жавобларни кўриб чиқиш натижалари асосида танловнинг II турида қатнашадиган ғолиблар аниқланди.

I турда иштирок этиб, II турга ўта олмаганларга «Энг яхши аудитор-2013» ва «Энг яхши бухгалтер-2013» танловларида иштирок этганлик учун сертификатлар берилди. Танловларнинг II турида иштирок этган, аммо ғолиблик насиб этмаганлар-

Мавзувий сонни Ольга КИРЬЯКОВА олиб боради.



нинг барчаси «Йилнинг энг яхши аудитори» танлови лауреати» ҳамда «Йилнинг энг яхши бухгалтери» танлови лауреати» деган дипломлар билан тақдирланди.

Тадбир доирасида танлов ғолиблари тегишли I, II ва III даражадаги «Энг яхши аудитор–2013» ва «Энг яхши бухгалтер–2013» дипломлари, шунингдек совринлар топширилди.

Маросимнинг тантанали қисмида Олий Мажлис Қонунчилик палатасининг депутати, ЎзЛиДeP фракцияси аъзоси, иқтисод фанлари номзоди Насим Алимов йигилганларга табрик сўзи билан мурожаат этди. Иқтисодчи сифатида у ўз ҳамкарабарини байрам билан кутлар экан, ҳар бир корхонада бухгалтер ва директор тимсолида иккита раҳбар борлигини таъкидлаб, уларнинг тӯғри ва ўзаро келишилган ҳаракатлари корхонани зафар сари элтади, бухгалтер томонидан молиявий ҳисботда маълумотлар ҳаққоний акс эттирилиши аудитор томонидан тасдиқланади деб айтди.

Йигилганларни молия вазирининг ўринбосари Мубин Мирзаев ҳам табриклиди. У жамоат ташкилотлари аъзоси бўлмиш барча мутахассисларга юқори малакали кадрлар тайёрлаш, шу жумладан ёшлар орасида шундай кадрлар тайёрлаш ишига салмоқли ҳисса қўшаётганликлари учун миннатдорчилик билдириди.

«Modellar Uyi Galereyasi» МЧЖ бош бухгалтери Асомиддин Умаров танловда биринчи ўринни олиб, «Энг яхши бухгалтер–2013» фахрий унвонини кўлга киритди.

– Бизнес иши муваффақиятли ривож топиши учун корхонада юқори малакали бош бухгалтер ишлаши керак, – дейди танлов ғолиби А.Умаров. – Бундай малака ўз тасдиғини топиши учун эса танловларда қатнашиб турмоқ лозим. Профессионаллик ва малака даражасини сақлаб туриш учун ўз устида мунтазам ишлаш лозим, бухгалтерия ҳисобини юритиш билан боғлиқ турли семинар ва тренингларда, лекцияларда қатнашиб туриш бунга кўмак беради. Бухгалтерлар учун таълим берувчи ва тушунтирувчи семинарларни изчиллик билан ўтказиб келаётганликлари учун Молия вазирлиги, Давлат солиқ қўмитаси, «NORMA» компанияси мутахассисларига алоҳида миннатдорчилик билдиримоқчиман. Бу йил танлов илк марта ўтказилди. Октябрь ойи бошларида бу ҳақда хабар топишим билан унда иштирок этишга қатъий бел боғладим. Рақобатлашув асосидаги ҳалол курашда ғолиблик насиб этганидан жуда хурсандман.

«Balans Konsalting» МЧЖ бош бухгалтери Мирзакул Тўлаев «Энг яхши бухгалтер–2013» танловининг II даражали дипломини олди. «Энг яхши бухгалтер–2013» танловининг III даражали дипломи «Techno Inter Finans» МЧЖ бош бухгалтери Флорида Еремеевага тегди.

«Энг яхши аудитор–2013» танловида ҳам совринли ўринлар ўз эгаларини топди.

«Энг яхши аудитор–2013» танловининг I даражали дипломи соҳиби, аудитор, «Grant Thornton» МЧЖ аудиторлик

ташкилоти солиқ маслаҳатчиси, CIPA халқаро сертификати соҳиби Шоҳрух Бўтаев:

– «Йилнинг энг яхши аудитори» унвони учун танловда иккинчи бор қатнашишим. 2011 йилда ҳам ғолиблик менга насиб этган эди, мана яна шу мақомни тасдиқлашга муваффақ бўлдим. Танлов, айниқса имтиҳонлар юксак даражада ташкил этилганлиги ва ўтказилганлигини алоҳида таъкидламоқчиман. Бу тадбир куч, амалий билим ҳамда кўникмаларни синаш имкониятини берганлиги билан мени ўзига жалб этди. Мамлакатимизнинг қонунчилик базаси изчил ривожланиб бораётганлигини эътиборга олиб, малакани муттасил ошириб бориш, янги қабул қилинаётган ҳамда мавжуд норматив ҳужоатларни ўрганиб бориш ва уларни амалиётда кўллаш лозим. Ўтказилган танлов ўз кучимни синашдан ташқари малакамни тасдиқлаш имконини берганлиги билан ҳам таҳсинга лойикдир.

«Энг яхши аудитор–2013» танловининг II даражали дипломи соҳиби, аудитор, «Kreston Tashkent» МЧЖ аудиторлик ташкилотининг аудитори, «Rastax Group» МЧЖ СМТнинг солиқ маслаҳатчиси, CIPA халқаро сертификати ва DipFR дипломи соҳибаси Татьяна Шалунова:

– Мен учун танловда иштирок этиш бухгалтерия ҳисоби ва аудит соҳаси мутахассислари жалб этилган мусобақада қатнашиш имконияти ҳамда ҳамкарабалар билан учрашиш ҳамда билим ва малакани машқ қилдиришга яхши шароитdir. 12 йилдан буён иқтисодиёт соҳасидаман. Аудит жабҳасида, айнан «Kreston Tashkent» компаниясида 2008 йилдан буён ишлаб келаётиман. Умуман, аъло даражадаги тадбир, кулаги шарт-шароит ва совринлар учун ташкилотчилар ва ҳомийларга раҳмат айтмоқчиман.

«Энг яхши аудитор–2013» танловининг III даражали дипломи соҳиби, «AUDIT INCOME» МЧЖ аудиторлик ташкилоти аудитори, CAP сертификати соҳибаси Шоира Бўронова:

– «Йилнинг энг яхши аудитори»ни аниқлаб берадиган танловда сурункасига иккинчи йил қатнашишим. Бу йил менга учинчи ўрин насиб қилди. Буни касбий малакам, мутахассис сифатидаги ютуқларимнинг ўзига хос эътирофи деб биламан. Аввалига танловда иштирок этиш ниятим йўқ эди. Танловга озгина фурсат қолганда фикрим ўзгариб, I тур саволларига берган жавобларимни аранг жўннатишга улгурдим. Кўриб турганингиздек, ҳаракатларим зое кетмади. Шунча даъвогар орасида учинчи ўринга кўтарилиш ёмон натижага эмас. Келаси или яна танловда иштирок этиб, компаниямиз номини муносиб ҳимоя этишни мўлжалламоқдаман.

«Йилнинг энг яхши аудитори» ва «Йилнинг энг яхши бухгалтери» деган фахрли ном учун ҳар йилги Республика танловлари аудитор ва бухгалтер касбининг нуфузини ошириш, ижтимоий аҳамиятини кучайтириш ва соҳани янада ривожлантириш, шунингдек мутахассисларнинг маҳорат бобидаги билим ва уқувини аниқлаш мақсадида ўтказиб келинмоқда.

Танловларни ўтказиш бўйича масъул ташкилотлар бўлиб Молия вазирлигининг бевосита кўмагида Ўзбекистон Бухгалтерлар ва аудиторлар миллий ўюшмаси, Ўзбекистон Аудиторлар палатаси, Ўзбекистон Бухгалтерлар, аудиторлар ва маслаҳатчилар федерацияси, «Солиқ ва божхона хабарлари» газетаси таҳририяти, «Солиқ Инфо» газетаси таҳририяти ҳисобланади. Танловларнинг барча турларини ўтказиш бўйича масъул мувофиқлаштирувчи бўлиб «CIPAEN UZ» Мустақил имтиҳон ўтказиш тармоғи, раислик қилувчи ташкилот сифатида эса Ўзбекистон Бухгалтерлар, аудиторлар ва маслаҳатчилар федерацияси майдонга тушди.

«NORMA» газеталари бирлашган таҳририяти», «IPAK YO'LI» ОАИТБ, «PRICEWATERHOUSECOOPERS» ШК, «Deloitte», «TSIAR-FINANS», «PKF MAK ALYANS» МЧЖлар танловларга расмий ҳомийлик қилдилар.

Мавзувий сонни Ольга КИРЬЯКОВА олиб боради.



АСОСИЙ ВОСИТАЛАР ҲИСОБИГА ДОИР БАЪЗИ МАСАЛАЛАР

Аудиторлик текширувларини ўтказиш чогида муаммони ҳал этиш учун аудиторларнинг профессионал фикрлаши талаб этиладиган ҳолатларга тўқнаш келамиз. Ҳар бир аудитор бухгалтерия ҳисоби миллий стандартларида ҳам, кодексларда ҳам, қонунчилликнинг бошка меъёрий ҳужжатларида ҳам қатъий жавоб мавжуд бўлмаган, вужудга келадиган саволларга ўзича ечим топади. Корхоналарнинг бухгалтерлари бизга берадиган баъзи саволларни келтириб ўтмоқчиман.

Хусусан, асосий воситалар ҳисобига оид саволлар тайгина. Улар асосий воситалар ҳисоби бўйича бирламчи ҳужжатларнинг тасдиқланган намунавий шакллари, асосий воситаларнинг тасдиқланган классификацияси, улар билан айrim операциялар ҳисобини юритишнинг батафсил услубияти йўклиги боис юзага келади.


Кейинги ўн йилликларда жаҳон иқтисодиётида ҳамда республикамиз иқтисодиётида юз берган глобал технологик ўзгаришлар муносабати билан корхоналарнинг балансига кирувчи кўплаб янги ускуналар, ишлаб чиқариш инвентари пайдо бўлди. Бу ҳол тушунарли, чунки ишлаб чиқариш са-марадорлигини оширишнинг энг муҳим омилларидан бири корхонани янги технологиялар, биринчи навбатда асосий фонdlар билан таъминлаш ҳисобланади.

Асосий воситаларни дастлабки эътироф этиш вазифаси, бошланғич қийматни шакллантиришдан ташқари, бухгалтер олдига бир талай саволларни кўяди: янги келиб тушган асосий воситаларни амортизация ажратмаларининг қайси гурухига ва асосий воситаларни ҳисобга олуви қайси бухгалтерия ҳисобварагига киритиш керак; қайта баҳолаш мақсадида, шунингдек тўлиқ эскирган ускуна учун тўловни ҳисоб-китоб қилиш учун қандай кодларни бериш керак; корхонага бир неча вагонда келиб тушган, корхона технологлари инвентарь обьектлари бўйича тўғри бутлай олмайдиган тарқоқ предметлар комплексини қандай ҳисобга олиш керак? Ҳатто компьютерни харид қилиш муаммо туғдиради. Масалан, мониторларни тизими блоклардан алоҳида сотиб олиш мумкин, комплектда ҳам харид қилиш мумкин. Ҳисоблаш техникасининг компонентлари бир асосда монтаж қилинмайди, алмаштиришда бир-бирига безарар осонгина бирикади. Фаолият юритиш жараёнида кўпинча мониторлар «куяди», бир инвентарь обьекти таркибида ҳисобга олинган сичқончалар, клавиатураларни гапирмаса ҳам бўлади.

Бир инвентарь обьектининг айrim тарқоқ қисмлари ҳисобдан чиқарилиши қандай ҳужжатлар билан расмийлаштирилди? Масалан, мониторни мустақил инвентарь обьекти сифатида ҳисобга олиш мумкинми?

Тўғри, ушбу мисол бир қадар муболағали, чунки мутахассислар ҳозирги вақтда компьютерларни умуман қиймат мезони бўйича асосий воситалар деб эътироф этмаслик мумкин дея дарҳол жавоб беришлари мумкин. Бироқ ҳар бир корхонанинг ҳисоб сиёсатида белгиланган ўз шахсий қиймат мезони бор, кўп корхоналар бундай активларнинг катта миқдорини харид қилган ва фойдаланишга киритганда уларни бир йўла ҳисобдан чиқаришга илож топа олмайдилар.

5-сон БХМС «Асосий воситалар»га¹ (бундан кейин – 5-сон БХМС) кўра инвентарь обьекти – ҳисобнинг минимал бирлиги.



Юқорида баён этилган мисолдан келиб чиқилганда саволлар юзага келади. Компонентни инвентарь обьекти деб ҳисоблаш мумкинми? Агар компонент алоҳида инвентарь обьектини ҳосил этмаса, амортизацияни алоҳида-алоҳида ҳисоблаб ёзиш ҳисобда қандай ташкил этилади? Агар компонент инвентарь обьекти бўлса, бунда асосий воситалар обьекти бир неча инвентарь обьектидан иборат бўлиши мумкинми? Бундай саволлар асосий воситалар таркибида мураккаб ишлаб чиқариш линияларига, масалан, конларга олиб борадиган, уларга жорий ишлов бериш даражасига боғлиқ ҳолда жойлашган жойини ўзгартирадиган темир йўл тармоқларига эга бўлган корхоналарда доимо юзага келади.

Бундан ташқари, биз кўпинча йирик корхоналарда янги ишлаб чиқариш, цех, ишлаб чиқариш участкаси фойдаланишга топширилишига доир ҳужжатлар расмийлаштирилишидан анча аввал ишга туширилиши муаммосига дуч келамиз. Маҳсулот ишлаб чиқарилаётган бўлса ҳам, ҳисобда бундай асосий восита мавжуд бўлмайди, чунки рўйхатдан ўтказиш таомиллари ўтказилмаган, давлат томонидан қабул қилиш ва фойдаланишга топшириш далолатномаси ҳали имзоланмаган бўлади.

5-сон БХМСга кўра асосий восита бўйича амортизацияни ҳисоблаб ёзиш фойдаланишга топшириш пайтида бошланади. Шундай бўлса-да, кўп корхоналар фойдаланишга топшириш далолатномаси имзоланмасдан, участка, цех, ишлаб чиқариш ишга туширилган пайтидан бошлаб амортизацияни ҳисоблаб ёза бошлайдилар, акс ҳолда чиқарилаётган маҳсулотнинг таннархи бузуб кўрсатилади. Бироқ, солиқ органлари эътиroz билдириласлиги учун, мазкур ҳисобланган амортизация фойда солиги бўйича солиқ солинадиган базадан чегирилмайди. Молмулк солиги бўйича солиқ солинадиган базага тугалланмаган қурилиш қиймати ҳам шу мақсадда киритилади.

Шу муносабат билан, фикримизча, меъёрий ҳужжатда обьектнинг фойдаланишга тайёрлиги иқтисодий фаолиятнинг бошланиши эканлиги ва бу уни фойдаланишга топшириш муддатларида ва, тегишинча, амортизация ажратмалари суммасида акс этмаслиги кераклигини қайд этиш маъқул.

¹Молия вазирининг АВ томонидан 20.01.2004 йилда 1299-сон билан рўйхатдан ўтказилган буйруги билан тасдиқланган.

Мавзувий сонни Ольга КИРЬЯКОВА олиб боради.

Корхоналарда кондиционерлар, совутгичлар, турли хил ишлаб чиқариш инвентарини ҳисобга олиш зарур бўлган гурухларни белгилаш масаласи кўп муаммоларни келтириб чиқаради. Статистика ҳисоботи классификацияга кўп чалкашлик киритмоқда. 2-М (илгариги 11-ф) статистик ҳисоботига² кўра «Ҳисоблаш техникаси» кичик гурухи «Машина ва ускуналар» гуруҳига киради. Мебель, мазкур ҳисоботга кўра, хўжалик инвентарига киритилади. Мебель учун бухгалтерия ҳисобида маҳсус 0140-«Мебель ваофис жиҳозлари» ҳисобвараги ажратилган, хўжалик ва ишлаб чиқариш инвентарини қаерда ҳисобга олишини эса ҳар бир бухгалтер ўзича ҳал қилиади.

Баъзилар уларни 0130-«Машина ва ускуналар» ҳисобвараги таркибида ҳисобга оладилар, бошқалар бунинг учун «Бошка асосий фондлар» ҳисобварагини мослаштирганлар. Бунда қайта баҳолаш учун фойдаланиладиган, «Бухгалтерия ҳисоби савол-жавобларда» китобида (Тошкент, «Иқтисодиёт ва ҳуқуқ дунёси» НУ, 1996) чоп этилган асосий воситалар кодлари (шифрлари) тўғрисида сўз боряпти. Шу сабабли бухгалтерия ҳисоби ҳисобварақлари асосий воситалар классификаторо-

рига бундай номувофиқ бўлган ҳолда бухгалтерия ҳисоби маълумотларига таяниб статистик ҳисобот тузиш қийин, натижада корхоналарнинг асосий фондлари бўйича статистик ҳисоботларда бузиб кўрсатиш ҳоллари кўп учраши эҳтимоли ошади.

Асосий воситалар ҳисобига доир бундай масалаларни ҳал қилиш учун турли амортизация гурухларига тақсимлаган ҳолда бухгалтерия ҳисоби ҳисобваракларига аниқ боғланган асосий воситаларнинг янги классификация маълумотномасини яратиш зарур, ундан асосий фондларни қайта баҳолашда, шунингдек фойдаланишда бўлган тўлиқ эскирган ускуна учун тўловни ҳисоб-китоб қилишда ҳам фойдаланиш мумкин бўларди.

Фикримизча, асосий воситалар ҳисобини тўғри юритиш зарурати аввало амалиётчи бухгалтерлар учун ҳам, текширувчилар учун ҳам ҳисоб-китоб ва ҳисоблаб ёзишда қулайлик яратган, улар учун аниқ йўриқномалар юзага келган бўларди.

Екатерина МИШОВА,
«FTF-AUDIT» аудитори,
CIPA сертификати соҳибаси, солиқ маслаҳатчisi.

²Давстматқўмнинг АВ томонидан 10.12.2012 йилда 2403-сон билан рўйхатдан ўтказилган қарорига 4-илова.



АУДИТ ЯНГИЛИКЛАРИ

ПРОФЕССИОНАЛ ИШ ЭЪТИРОФИ

Халқаро бухгалтерлар федерацияси (IFAC) кенгашининг Сеул (Жанубий Корея) шаҳрида бўлиб ўтган мажлисida Ўзбекистон Аудиторлар палатаси бир овоздан IFAC аъзолигига қабул қилинди.

Бугунги кунда Халқаро бухгалтерлар федерацияси таркибида жаҳондаги 130 мамлакатдан 179 та ҳақиқий ва уюшма орқали боғланган аъзо бор. Улар ўз сафларига ижтимоий амалиёт, таълим соҳаларида, давлат хизматида, саноат ва савдо-сотикда фаолият олиб бораётган қарийб 2,5 млн бухгалтер ва аудиторни бирлаштириб турибди.

Федерациянинг асосий вазифаларидан бири бухгалтерия фаолияти халқаро стандартларини, бинобарин ҳисобот топширишда имкон қадар кўпроқ очиқ-ошкораликни таъмин этувчи стандартларни жорий этиш ва оммалаштиришдан иборатdir. Айни бир пайтда Федерация бутун жаҳон миқёсида бухгалтерия хизматларини ривожлантиришга кўмаклашиб келмоқда.

Таъкидлаш жоизки, IFACга аъзо профессионал бухгалтерлар ташкилотлари ўз мамлакатларида қонунчилик асосида ёки жамоатчилик фикрига кўра аҳамиятга молик миллий ташкилотлар деб эътироф этиб келинмоқда.

Федерацияда Ўзбекистон Аудиторлар палатасининг мустаҳкам тузилмаси ва молиявий барқарорлиги, унинг талаб даражасидаги корпоратив бошқарув тузилмаси ва ишдаги бошқа фазилатлари муносиб баҳоланди, IFAC аъзолигига қабул қилишда ҳам шулар инобатга олинди.

Халқаро бухгалтерлар федерацияси аъзолари сафидан ўрин олиш юқори савиядаги профессионал стандартларни ишлаб чиқиш, шунингдек бутун дунёда бухгалтер касби мавқенини мустаҳкамлашга кўмаклашиш, бевосита касб ваколатига кирувчи жамоатчилик манфаатларига тегишли масалалар юзасидан ўз фикр-мулоҳазаларини билдириш имконини беради.

Федерациянинг асосий эътибори сифат назорати тизими-нинг аудиторлик ташкилотлари томонидан жорий этилиши ҳамда бунга Ўзбекистон Аудиторлар палатаси бераётган



Суратда: чапдан ўнгга – IFAC президенти Уорен Аллан, Ўзбекистон Аудиторлар палатаси кенгаши раиси, иқтисод фанлари доктори Н.Ф.Каримов, IFAC бош ижрочи директори

баҳога қаратилди. Аудиторлик ташкилотлари амалиётига «Молиявий ахборотнинг аудиторлик ва талқиний текширувни амалга ошираётган, шунингдек ишончни таъмин этувчи бошқа вазифаларни бажараётган ёки аудитга ёндош хизматлар кўрсатаётган аудиторлик ташкилотларида сифат назорати» деган стандартни жорий этиш, ўз навбатида, аудит сифатини ошириш йўлида муҳим қадам бўлиб қолади.

Шуни ҳам айтиб ўтиш керакки, Сифат назорати аудиторлик ташкилотларининг аудиторлик текширувлари ўтказишидаги ишини муайян тизимга солади, уларнинг эътиборини амалий ишларда аудиторлик ташкилотларининг ички стандартлари-

Мавзувий сонни Ольга КИРЬЯКОВА олиб боради.

дан доимий тарзда фойдаланишга қаратади. Аудиторларни ҳамда уларнинг ёрдамчиларини бугунги кун талаблари га мувофиқ профессионал асосда тайёрлашни стратегик режалаштириш ишларини ташкил этишда ҳам у салмоқли ёрдам беради.

Шу муносабат билан Ўзбекистон Аудиторлар палатаси вазифалари доирасига аудиторлик ташкилотларининг имкониятларини янада кенгайтириш иши ҳам киради. Бу имкониятлар мижозларнинг талаб-эҳтиёжларига:

Палата аъзолари халқаро аудит стандартларига мувофиқ хизмат кўрсатишини қўллаб-кувватлаш учун профессионал таълим дастурлари билан таъмин этиш;

сифат назорати мониторинг тизимини йўлга қўйиш, соҳага

оид жўяли тартиб-таомилларнинг ҳамда соҳа йўналиши тала-бларини расамадга солишининг профессионал стандартлар ва қоидаларга мувофиқлигини мониторинг қилиб бориш учун тартиб-таомиллар ва қўлланмалар ишлаб чиқиш;

аудиторлик ташкилотларининг ишида ХАС қоидаларига ва унинг асосидаги амалиётга мувофиқликни таъминлаш учун аудит бўйича услугият қабул қилинишига кўмаклашиш;

халқаро аудит стандартлари ҳамда Сифат назорати стандартлари Палата аъзолари томонидан қўлланилишининг айрим масалалари юзасидан аъзолар сўровига янада самарали эътибор кўрсатилиши учун аудит бўйича моҳир профессионалларни тайинлаш йўли билан мувофиқ ва ҳамоҳанг бўлади.

ХБФ ЯКУНЛАРНИ ЧИҚАРДИ

12–14 ноябрда Сеулда (Жанубий Корея) Халқаро бухгалтерлар федерацияси – бухгалтерлик касби вакилларини бирлаштирадиган глобал ташкилот Кенгашининг йиллик мажлиси бўлиб ўтди. Унда Ўзбекистон бухгалтерлар ва аудиторлар миллий уюшмасининг вакиллари ҳам иштирок этдилар.

Халқаро бухгалтерлар федерацияси (бундан кейин – ХБФ) Кенгашининг мажлисида ХБФ президенти Уорен Аллан, ижрочи директор Фаиз Чоудхури, ХБФ ғазначилиги бошлиғи, аудиторлик қўмитаси бошлиғи (шу жумладан ички аудиторни тайинлаш тўғрисида тавсияни), режалаштириш ва молия қўмитаси бошлиғининг (шу жумладан 2014 йил учун бюджет ва тўлиқ, уюшган ва аффилланган аъзолар бадалларининг параметрлари тўғрисида стратегик ташаббус) ҳисботлари, шунингдек профессионал бухгалтерлик ташкилотларини ривожлантириш ишида ХБФ фаолияти тўғрисидаги ҳисботлар тингланди.

ХБФ Уставига ўзгартиришлар киритиш тўғрисида таклифлар, Аудит ва ишончни ифодалаш халқаро стандартлари бўйича кенгаш, Бухгалтерлар учун халқаро этика стандартлари бўйича кенгаш, Давлат секторида бухгалтерия ҳисобига доир халқаро стандартлар бўйича кенгаш фаолиятини такомиллаштириш тўғрисида ахборот тингланди.

Шунингдек мажлис доирасида «Аудит сифати двигателари», «Аудит сифатини янада оширишни тартибга солиш», «Молиявий ҳисбот инфратузилмаси», «Талантларни жалб




International
Federation
of Accountants

етиш ва ушлаб қолиш», «Профессионал ташкилотнинг самарали тузилмасини барпо этиш», «Аудиторлик ҳисботи хulosасини такомиллаштиришнинг муҳим позициялари» мавзууда семинарлар ўтказилди.

Мажлис давомида ХБФ Кенгашининг таркиби ўзгарди, хусусан янги аъзолар: Гейл МакЭвой (Ирландия), Майл Хэсборн (Буюк Британия), Себастьян Овуама (Нигерия) ва Вайнанд Шрюфф (Германия) сайланди, Анна Мария Элориетта (Бразилия) ва Роберт Харрис (АҚШ) қайта сайланди. Уларнинг ҳар бири Кенгашга бухгалтерия фаолияти халқаро стандартларини қабул қилиш ва жорий этиш, бутун дунё профессионал бухгалтерларининг ҳамкорлиги сингари стратегик жиҳатдан муҳим фаолият соҳаларида ХБФни олға силжитиш ишида ўз кўнкма ва тажрибаларини ишга солишлари режалаштириляпти.

ХБФ ҳақиқий аъзоларининг сафлари ҳам тўлди. Чунончи, Федерацияга Бошқарув ҳисоби бўйича бухгалтерлар институти қабул қилинди, уч уюшган аъзо – Кайман ороллари Профессионал бухгалтерлар жамияти, Македония Республикаси Сертификатланган аудиторлар институти, Сенагал Дипломли бухгалтерлар ва бухгалтерлар миллий орденининг мақоми ошиб, «Ҳақиқий аъзо»га айландилар. Уюшган аъзолар сафига янги ташкилотлар, хусусан Ўзбекистон Аудиторлар палатаси, Латвия Республикаси Бухгалтерлар уюшмаси, Гватемала Бухгалтерлар ва аудиторлар жамоат бирлашмаси, Москва аудиторлар палатаси, Фаластин сертификатланган бухгалтерлар уюшмаси қабул қилинди. ХБФ аффилланган аъзолари таркибига Корпоратив ғазначилар уюшмаси кирди.

– Биз ўз сафларимизга ушбу ташкилотларни қабул қилишдан жуда хурсандмиз, – деди ХБФнинг бош ижрочи директори Фаиз Чоудхури. – Кўплаб янги ва уюшган аъзолар ривожланаётган мамлакатлар ва ўтиш иқтисодиётига эга бўлган мамлакатларда жойлашган. Биз уларни касб манфаатларини ифодалайдиган ташкилотимизга қўшилгандарни билан табриклаб, ХБФнинг глобал иқтисодий ўсиш ва ривожланишини қўллаб-кувватлашдан иборат вазифасини бажариш учун ҳамкорликда иш бошлашларини сабрсизлик билан кутамиз.



Маевзувий сонни Ольга КИРЬЯКОВА олиб боради.



БОЗОР ҚИЙМАТИ НОМИНАЛ ҚИЙМАТДАН ОШГАНДА...

2011 йил октябрда Давлат акциядорлик компанияси тугатилиши муносабати билан 2002–2003 йилларда акциядорларнинг маблағлари ҳисобига сотиб олинган умумий акцияларни баҳолаш амалга оширилди.

Ўтказилган баҳолашга кўра умумий акцияларнинг бозор қиймати номинал қийматдан бир неча баравар ошиб кетган. Чунончи, номинал қиймати 1 000 сўм бўлган акция 16 825 сўмга баҳоланган, номинал қиймати 3 290 сўм бўлган портфель акциялар эса 21 906,3 сўм қилиб баҳоланган.

Қийматнинг анчагина кўпайганигини ҳисобга олганда, акцияларни қимматли қоғозлар биржасида сотиш имконияти жуда паст. Уларни реализация қилиш вақтинчалик салмоқли харажатларни талаб қиласди, бу эса қўшимча маблағларни сарфлашга олиб келади, қолаверса тугатиш жараёнининг чўзилиб кетишига олиб келиши мумкин.

Баён этилганлар муносабати билан умумий акция номинал қиймати билан баҳоланган бозор қиймати ўртасидаги фарққа солиқ солиниши ёки солинмаслиги ҳамда бундай акцияларни корхона балансида қандай ҳисобга олишини тушунтириб бера оласизми?

– Мазкур саволга жавоб беришда, биринчи навбатда, атамаларга мурожаат қилиш лозим. Хусусан, 12-сон Бухгалтерия ҳисоби миллый стандартининг (БХМС) «Молиявий инвестицияларни ҳисобга олиш» (АВ томонидан 16.01.1999 йилда 596-сон билан рўйхатдан ўтказилган, бундан кейин – 12-сон БХМС) 6-бандида куйидаги таърифлар келтирилади:

молиявий инвестициялар – хўжалик юритувчи субъект тасарруфидаги даромад олишга (фоиз, роялти, дивиденд ва ижара ҳақи шаклида) мўлжалланган, инвестиция қилинган сармоя қийматининг ортиши ёки инвестиция қилувчи компания бошқа наф олиш учун фойдаланадиган активлар;


бозор қиймати – активлар бозорида аниқланадиган инвестициялар миқдори.

Ўз навбатида, «бозор қиймати» таърифи бундай қиймат (ёки бозор қийматини аниқлашга имкон берадиган бошқа бирор кўрсаткич) аниқланадиган активлар бозори мавжудлигини билдиради.

12-сон БХМСнинг 16-бандида айтилишича, узоқ муддатли молиявий инвестицияларни қайта баҳолаш учун қайта баҳолашнинг амалга ошириш даврийлигини, шу жумладан узоқ муддатли инвестициялар тоифаларини аниқлаш зарур. Умумий акцияларни қайта баҳолаш фақат корхонани тугатиш чоғидагина ўтказилганлигини ҳисобга олганда, яъни қайта баҳолашларнинг даврийлиги белгиланмаган бўлса, қайта баҳолаш чоғида портфель акция қийматини қўллаш учун бухгалтерия ҳисобида инвестицияларнинг бозор қийматини акс эттириш керак эмас.

12-сон БХМСнинг 15-бандига кўра узоқ муддатли активлар сифатида тасниф этилган, ДАК акциялари шулар жумласига киради, инвестициялар бухгалтерия балансида уч усул билан: харид қиймати бўйича; қайта баҳолашни ҳисобга олган қиймат бўйича; харид қиймати ва бозор қийматининг портфель инвестициялар усули бўйича аниқланган энг кам баҳоси бўйича ҳисобга олинади.

Шу тариқа, 12-сон БХМСнинг 15.3-бандига мувофиқ умумий акциялар маълумотлари ҳисоби чоғида харид қиймати ва



бозор қийматини таққослашдан келиб чиқиб энг кам баҳолашни кўрсатиш керак.

Солиқ солинадиган базани белгилаш учун Солиқ кодексига (бундан кейин – СК) мурожаат қиласди.

СКнинг 22-моддасида белгиланган таърифларга кўра «мол-мулк» – эгалик қилиш, фойдаланиш, тасарруф этиш объектлари бўла оладиган моддий объектлар, шу жумладан пул маблағлари, қимматли қоғозлар, улушлар (пайлар, ҳиссалар) ҳамда номоддий объектлар. Ўз навбатида, «дивидендер» юридик шахс тугатилганда мол-мулкни тақсимлашдан олинган, шунингдек муассис

(иштирокчи, аъзо) томонидан юридик шахсада иштирок этиш улушкини (пайнини, ҳиссанини) олгандаги даромадлар, бундан муассис (иштирокчи, аъзо) устав фондига (устав капиталига) ҳисса сифатида киригтан мол-мулкнинг қиймати чегирилади.

Шу тариқа, СКнинг 129-моддасига амал қилганда қуидагилар солиқ тўловчининг даромади сифатида қаралмайди:

муассислар (иштирокчилар) таркибидан чиқилаётганда (чиқарилаётганда) ёки муассис (иштирокчи) улушкининг миқдори камайтирилганда, шунингдек тугатилаётган юридик шахснинг мол-мулки унинг муассислари (иштирокчилари) ўртасида тақсимланаётганда устав фондига (устав капиталига) ҳисса доирасида олинган маблағлар (мол-мулк ёки мулкий ҳуқуқлар). Ўз навбатида, СКнинг 133-моддасида мустаҳкамланишича, бухгалтерия ҳисоби тўғрисидаги қонун хужжатларига мувофиқ белгиланадиган асосий воситалар ва бошқа мол-мулкнинг чиқиб кетишидан олинадиган фойда асосий воситалар ва бошқа мол-мулкнинг чиқиб кетишидан олинадиган даромаддир.

Бундан ташқари, эслатиб ўтамиэзи, СКнинг 209-моддасига кўра қимматли қоғозларни, юридик шахсларнинг устав фондидаги (устав капиталидаги) улушларни (пайларни) реализация қилиш қўшилган қиймат солигидан озод қилинадиган молиявий хизматлар жумласига киради.

**Зулфия ШАЙХИСЛОМОВА,
«Buxgalter-Audit» МЧЖ директори,
ЎзБАМУ эксперти.**

Маевузий сонни Ольга КИРЬЯКОВА олиб боради.

РЕКЛАМА

ОБУНАЧИЛАР ДИҚҚАТИГА!

«NORMA» газеталари бирлашган таҳририяти» МЧЖ
навбатдаги бонус – Бирлашган таҳририят мутахассислари тайёрлаган
«ХОДИМЛАРНИНГ МОДДИЙ ЖАВОБГАРЛИГИ»
совғабоп рисоласини ўз обуначилари орасида тарқатади.

Қўлланмада моддий жавобгарликка тортишнинг асосий шартлари ва унинг турлари ҳамма учун тушунарли тарзда очиб берилган. Инвентаризациядан ўтказиш қоидалари ва камомадни аниқлаш тартиби баён этилган, моддий зарарни аниқлаш, қоплаш ва уни бухгалтерия балансида қандай акс эттириш кераклиги тушунирилган. Моддий жавобгарлик билан боғлиқ бўлган хўжалик юритувчи субъектлар амалиётидаги турли вазиятлар, шунингдек локал хужжатлардан намуналар келтирилган.


Қўлланма корхона ва ташкилотлар бухгалтерлари, иқтисодчилари, юристлари, менежерлари ва раҳбарлари учун мўлжалланган.

Қўлланма обуначи анкетасини тўлдириб, уни таҳририятнинг обуна бўлимига топширган ҳамда обуначининг хоҳишига кўра қуидаги усуллардан бири билан қўлланмаларни олиш истагини билдириган 2013 йилги «Солик ва божхона хабарлари» – «Норма маслаҳатчи» (ўзбек тилида) ҳамда «Налоговые и таможенные вести» – «Норма» (рус тилида) газеталари комплекти обуначиларига тақдим этилади:

ўзи олиб кетиши усули билан – Тошкент шахридаги обуначилар учун Таҳририятнинг обуна бўлимидан (Тошкент ш., Навоий кўч., 22, тел.: 200-00-30, 244-44-29, 244-89-17);

пошли орқали бандероль қилиб жўнатиш усули билан – минтақалардаги обуначилар учун.

Айни пайтгача обуначи анкетасини тўлдиришга улгурмаган обуначилар таҳририят обуна бўлимидан анкетани олишлари ёки уни porma.uz сайтидан кўчириб олишлари мумкин.

**ҲИСОБОТ ТАҚДИМ ЭТИШ ШАРТ!**

Ташкилотимиз (хорижий ННТ) Ўзбекистонда ваколатхона очишни режалашибтиряпти. У юридик шахс мақомига зга бўладими, биз статистика ҳамда солик органларига ҳисоботлар тақдим этишимиз керакми?

– Солик кодексининг 17-моддасида айтилишича, нотижорат ташкилоти юридик шахсdir. Шунингдек «Нодавлат нотижорат ташкилотлари тўғрисида»ги Қонун (14.04.1999 йилдаги 763-I-сон, бундан кейин – Қонун) 6-моддасига мувофиқ нодавлат нотижорат ташкилоти (ННТ) юридик шахс бўлади ва агар унинг таъсис хужжатларида бошқача қоида белгиланган бўлмаса, фаолият муддати чекланмаган ҳолда ташкил этилади.

Нодавлат нотижорат ташкилотининг Қонун 8-моддасида мустаҳкамланган мажбуриятларига куйидагилар киради:

- қонун хужжатларига риоя этиш;
- ўз мол-мулки ва пул маблағларидан фойдаланиш тўғрисидаги ахборот билан танишиш эркинлигини таъминлаш;
- нодавлат нотижорат ташкилотини рўйхатдан ўтказувчи органга ўзи ўтказаётган тадбирларга эркин кириш имконини бериш;

• рўйхатдан ўтказувчи, солик ва статистика органларига ўз фаолияти тўғрисида ҳисоботлар тақдим этиш.

ННТ қонун хужжатларида назарда тутилган бошқа мажбуриятларга ҳам эга бўлади.

Ўз навбатида, Фуқаролик кодексининг 47-моддасида айтилишича, ваколатхона юридик шахснинг у турган ердан ташқарида жойлашган, юридик шахс манфаатларини ифодалайдиган ва уларни ҳимоя қиладиган алоҳида бўлинмасидир.

Филиал юридик шахснинг у турган ердан ташқарида жойлашган ҳамда унинг барча вазифаларини ёки вазифаларининг бир қисмини, шу жумладан ваколатхона вазифаларини бажарадиган алоҳида бўлинмасидир. Агар қонунда бошқача тартиб белгиланган бўлмаса, ваколатхона ва филиаллар юридик шахс ҳисобланмайди. Улар ўзларини ташкил этган юридик шахс томонидан мол-мулк билан таъминланадилар

Мавзувий сонни Ольга КИРЬЯКОВА олиб боради.

ҳамда у тасдиқлаган низомлар асосида иш олиб борадилар. Ваколатхона ва филиалларнинг раҳбарлари юридик шахс томонидан тайинланади ҳамда унинг ишончномаси асосида иш олиб боради.

Қонуннинг 9-моддасига кўра нодавлат нотижорат ташкилотларининг ваколатхоналари ва филиаллари давлат рўйхатидан ўтказилган пайтдан эътиборан юридик шахс мақомига эга бўлиши мумкин.

Халқаро ҳамда чет эл ННТ ваколатхоналари ва филиаллари юридик шахслардир.

Шу тариқа, чет эл ННТ филиаллари ва ваколатхоналари учун ҳеч қандай қўшимча шарт ёки имтиёз мавжуд эмас. Ўзбекистон Республикасида фаолият юритаётган барча но-

тижорат ташкилотлари ДСИга ҳар чорақда молиявий ҳисбот тақдим этишлари шарт.

«Бухгалтерия ҳисоби тўғрисида»ги Қонунга (30.08.1996 йилдаги 279-1-сон) кўра молиявий ҳисбот қуидагиларга тақдим этилади:

- таъсис ҳужжатларига мувофиқ мулкдорлар (давлат мол-мулкини бошқаришга ваколатли органлар; муассислар (иштирокчилар)га;
- солиқ органларига;
- давлат статистика органларига;
- қонун ҳужжатларига мувофиқ бошқа органларга.

**Асрор ШЕРГОЗИЕВ,
«Marikon Audit» МЧЖ ҳамкори.**



АУДИТ ОЛАМИДА

БУТУН ДУНЁ БУХГАЛТЕРЛАРИ РИМДА УЧРАШАДИЛАР

Келгуси йилнинг нояброда Римда (Италия) Халқаро бухгалтерлар федерацияси (бундан кейин – ХБФ) ташкил этадиган, «2020 йилга назар: ўтмиш сабоқлари, келажакни қуриш» мавзусида Бухгалтерлар жаҳон конгрессини (World Congress of Accountants (WCOA) – 2014) ўтказиш режалаштириляпти.

Ўзбекистонда ХБФнинг уюшган аъзолари таркибида кирадиган жамоат ташкилотлари, яъни Ўзбекистон бухгалтерлар ва аудиторлар миллий уюшмаси ҳамда Ўзбекистон аудиторлар палатаси фаолият юритаётганини эслатиб ўтамиз.

Жаҳон конгрессида 4 000 мутахассис иштирок этиши режалаштириляпти, улар тармоқни ривожлантиришнинг долзарб масалаларини муҳокама қиласидар ва истиқбол вазифаларини белгилайдилар. Конгресс тўрт кун мобайнида, қуидаги умумий сессиялар доирасида ўтади: «Давлат ташкилотларининг очиқ-ошкорлиги ва ҳисобдорлигини ошириш: иқтисодий ўсиш сари йўл»; «Интеграцияланган тафаккур: фаолиятни яхшилаш ва қимматликни яратиш учун муҳим жиҳат»; «2020 йилга назар – ўтмишдан сабоқлар олиш, келажакни қуриш: бухгалтерлик касби нигоҳи».

Муҳокама режаларида молиявий ҳисбот топшириш билан боғлиқ масалалар бор. Мазкур мавзу айниқса молиявий ҳисботни, мулкчилик шакли ва маблағлари оборотидан қатъи назар, ҳар бир хўжалик юритувчи субъектнинг топшириш лозимлиги муносабати билан долзарбдир. Шунингдек қўйилган вазифаларни рўёбга чиқаришнинг амалий воситалари кўриб чиқилади. Бундан ташқари, корхоналар интеграцияланган ҳисботларининг, қабул қилинган ҳалқаро стандартларнинг ривожланиши ва эволюциясини муҳокама қилиш режалаштириляпти.

Ишбилармонлик ахбороти билан таъминлаш масаласида умидбахш ёндашувлар бўлғуси конгресснинг яна бир мавзуси бўлади. Бунда дунёдаги аудит асослари, хусусан уни ривожлантиришнинг глобал тамойиллари, аудит бўйича кўмиталарнинг роли, муқобил хизматларга талабнинг ошиши,

аудиторлик холосаларидаги ўзгартиришлар, шу жумладан уларнинг зарурлиги ва асосланганлигини муҳокама қилиш режалаштириляпти.

Бундан ташқари, кун тартибида бизнес, бухгалтерлар ва компанияларнинг этика ва ижтимоий жавобгарлиги масаласи қўйилган. Сир сақлаш ва юридик жавобгарлик, жамият манфаати билан компаниялар хоҳиши, ижтимоий қадриятлар ва рентабеллик ўртасида мақбул мувозанатни излаш масаласи бор. Мазкур масалалар Этика кодексига боғлиқликда кўриб чиқилади, шунингдек бунда Кодекс билан боғлиқ бошқа жорий масалалар ҳам кўрсатилади.

Жаҳон конгрессида эътиборни таълим ва илмий салоҳиятни барпо этишга, хусусан замонавий технологиялар ва тамойилларга мослашув масалаларига қаратиш режалаштириляпти. Чунончи, мазкур сессия доирасида янги технологииларни ўрганиш ва бухгалтерлар малакасини оширишга интилиш режалаштириляпти.

Кейинги сессиянинг мавзуси бизнес маслаҳатлари, синергия, бизнес билимлари ва муаммоларини муҳокама қилишга бағишлиланган. Яъни янги бозор стратегияларини ривожлантириш, бозор эҳтиёжларини белгилаш ва уларга ўз вақтида муносабат билдириш, шу жумладан глобаллаштириш шароитларида кредитлардан фойдалана олишни ҳам муҳокама қилиш режалаштириляпти.

Жаҳон конгрессида иштирок этиш учун <http://www.wcoa2014rome.com/> сайтида рўйхатдан ўтиш мумкин, бу ерда рўйхатдан ўтиш шартлари ва йигимлар кўрсатилган. Шуни қайд этиш лозимки, иштирокчилар сони 4 000 рақамига этиши билан рўйхатдан ўтказиш тўхтатилади.



**WORLD CONGRESS
OF ACCOUNTANTS 2014**

ROME, PARCO DELLA MUSICA - NOVEMBER, 10-13 2014

Мавзувий сонни Ольга КИРЬЯКОВА олиб боради.

ЯНГИ ҲУЖЖАТЛАРНИ ТАҚДИМ ЭТАМИЗ

АТТЕСТАЦИЯМИ ЁКИ МАЛУМОТНОМА?

1-бетда
Олий ва ўрта маҳсус таълим вазирлигининг Ўрта маҳсус, касб-хунар таълими маркази ҳамда Вазирлар Маҳкамаси ҳузуридан Давлат марказининг қарори (АВ томонидан 26.11.2013 йилда 2011-1-сон билан рўйхатдан ўтказилган) билан Ўрта маҳсус, касб-хунар таълими муассасаларида якуний давлат аттестациясини ўтказиш тартиби тўғрисида низомга ўзгаришилар кириши.

Низом нормалари Ўзбекистон Республикаси ўрта маҳсус, касб-хунар таълими муассасалари ўкувчилари ўқишини кўчириш, қайта тиклаш ва ўқишидан четлаштириш тартиби тўғрисида низом (ВМнинг 29.12.2012 йилдаги 367-сон қарорига 1-илова) нормаларига мувофиқлаштирилди, бунга кўра Ўрта маҳсус, касб-хунар таълим муассасасининг белгиланган давлат таълим стандартларига мувофиқ ўқишнинг таълим дастурини бажарган, бироқ якуний аттестациясида иштирок этмаган ёки ундан ўтмаган 3-босқич ўкувчилари Педагогик кенгаш қарори асосида давлат аттестация комиссия (кейинги ўринларда – ДАК) фаолият кўрсатаётган даврда 3 йил мобайнида якуний аттестацияни қайта топшириш ҳуқуқига эга. Белгиланган муддатда (3 йил мобайнида) якуний аттестацияни



топширган ўкувчилар 3-босқичда қайта ўқиш учун ариза беришлари мумкин. Шунингдек 3 йил мобайнида якуний аттестацияни топширган ҳамда 3-босқичда қайта ўқиш учун ариза бермаган ўкувчиларга таълим муассасасининг тўлиқ курсини тамомлаганлиги тўғрисида маълумотнома берилади. Илгари якуний давлат аттестациясидан ўтмаган ёки унда иштирок этмаган ўкувчиларга белгиланган таълим муддати тугаганидан кейин 1 ой ўтгач, ДАК қарорига асосан ДАК фаолияти даврида имтиҳонни қайта топширишга рұксат бериларди. Агар ўкувчилар қайта топшириш натижалари бўйича ҳам қониқарсиз баҳо олган ёки қайта топширишга келмаган бўлсалар, уларга таълим муассасасининг тўлиқ курсини тутатганлиги тўғрисида маълумотнома берилар эди.

Киритилган ўзгаришиларга мувофиқ ДАК раиси худудий ўрта маҳсус, касб-хунар таълими бошқармаси бошлигининг (вазирлик ёки идоралар тасарруфидаги таълим муассасалари учун шу вазирлик ёки идора раҳбарининг), ДАК аъзолари эса, таълим муассасаси директорининг бўйруги билан тасдиқланади. Илгари бутун ДАК таркиби худудий ўрта маҳсус, касб-хунар таълими бошқармаси бошлигининг (вазирлик ёки идоралар тасарруфидаги таълим муассасалари учун шу вазирлик ёки идора раҳбарининг) бўйруги билан тасдиқланар эди.

Қарор 2.12.2013 йилдаги 48 (600)-сон «Ўзбекистон Республикаси қонун ҳужжатлари тўплами»да расман эълон қилинган кундан кучга кирди.

ҲИСОБОТ ТОПШИРИШ ДАВРИ ЎЗАЙТИРИЛДИ

Давлат мулки кўмитаси ҳузуридан Қимматли қоғозлар бозори фаолиятини мувофиқлаштириш ва назорат қилиш маркази бош директорининг бўйруги (АВ томонидан 5.12.2013 йилда 2383-1-сон билан рўйхатдан ўтказилган) «Қимматли қоғозлар бозори иштирокчилари томонидан ахборот тақдим этиш ва эълон қилиш қоидаларини тасдиқлаш ҳақида»ги бўйругига ўзгаришилар киритилди.

Ҳужжат билан аниқлаштирилишича, эмитентнинг Қимматли қоғозлар эмиссия рисоласининг матни

билан танишиб чиқиш жойи ва тартиби тўғрисидаги маълумотларни, шунингдек «Қимматли қоғозлар бозори тўғрисида»ги Қонунда кўрсатилган ахборотни қимматли қоғозларни жойлаштириш бошланишига камиди 2 ҳафта қолганида қимматли қоғозлар бозорини тартиби солиш бўйича ваколатли давлат органинг расмий веб-сайтига жойлаштириш орқали ошкор қилиш мажбурияти қимматли қоғозларни хусусий жойлаштиришга тааллуқли эмас.

Қимматли қоғозлар бозорининг профессионал иштирокчиси Йилнинг ҳар чораги тугаганидан кейин қимматли қоғозлар бозорини тартиби солиш бўйича ваколатли давлат органига бухгалтерия балансининг нусхасини ҳамда ўз маблағлари ва инвестиция активларининг ўртача йиллик қиймати тўғрисидаги ҳисоботни тақдим этадиган муддат ўн кундан ўттиз кунгача узайтирилди.

Бундан ташқари, инвестор мустақил равишида ва (ёки) аффилланган шахслар билан биргаликда бир ёки бир нечта битим тузиш натижасида очиқ акциядорлик жамияти акцияларининг мазкур очиқ акциядорлик жамияти устав фондининг жами 15 ва ундан ортиқ фоизини ташкил этувчи акциялар пакетини олиш нияти борлиги ҳақидаги ахборотни ошкор қилиши шарт, ахборотни эълон қилиш битим тузишидан камиди 1 иш куни олдин республика газетаси ёки фонд биржасининг расмий веб-сайтида амалга оширилади (иллари бундай ахборотни эълон қилиш битим тузишидан камиди 3 иш куни олдин амалга оширилар эди).

Ҳужжат билан бошқа ўзгаришилар ҳам киритилди.

Бўйруқ 9.12.2013 йилдаги 49 (601)-сон «Ўзбекистон Республикаси қонун ҳужжатлари тўплами»да расман эълон қилинган кундан кучга кирди.

ОШИРИЛГАН МИҚДОРНИ ҲИСОБГА ОЛГАН ҲОЛДА ЎЗ ВАҚТИДА

Молия вазирининг бўйруги (АВ томонидан 6.12.2013 йилда 2534-сон билан рўйхатдан ўтказилган) билан Ўзбекистон Республикаси Президентининг 2013 йил 2 декабрдаги ПФ-4582-сон «Иш ҳақи, пенсиялар, стипендиялар ва нафақалар миқдорини ошириш тўғрисида»ги Фармони бўйича пенсияларни қайта ҳисоблаш тартиби тўғрисидаги низом тасдиқланди.

Эслатиб ўтамизки, 2013 йилнинг 15 декабридан Ўзбекистон Республикаси худудида энг кам:

иш ҳақи – ойига 96 105 сўм;
ёшга доир пенсиялар – ойига 187 970 сўм;
болаликдан ногиронларга бериладиган нафақа – ойига 187 970 сўм;

зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа – ойига 115 340 сўм миқдорида белгиланди.

Ҳужжатга мувофиқ якка тартибдаги коэффициентларни (2011 йил 1 октябрдан амалга киритилган) кўллаган ҳолда янги тайинланадиган пенсиялар ҳисоблаб чиқариладиган иш ҳақини тенглаштириш учун ушбу Низомнинг иловасига мувофиқ энг кам ойлик иш ҳақи миқдорлари кўлланилади.



2013 йилнинг декабрь ойи учун Молия вазирлиги ҳузуридан бюджетдан ташқари Пенсия жамғармасининг туман (шаҳар) бўлимлари томонидан пенсиялар ва нафақаларни тўлаш қайдномалари, шунингдек почта пул ўтказмалари, пенсиялар ва нафақалар миқдорлари 1,025 баробарга ошганлигини инобатга олган ҳолда, қонун ҳужжатларида белгиланган муддатларда тузилади.

Пенсияни ҳисоб-китоб қилиш учун ЭКИХнинг 8 бараваридан (96 105 сўм x 8 = 768 840 сўм) ортиқ бўлмаган ўртача ойлик иш ҳақи инобатга олинади. Якка тартибдаги коэффициентлар кўлланилган ўртача ойлик

иш ҳақи миқдори кўрсатилган суммага тенг ёки ундан юқори миқдорида бўлган ҳолларда, пенсияларни қайта ҳисоблашни амалга оширишда иш ҳақи миқдори 768 840 сўм билан чегараланиб, иш стажига давомийлигига боғлиқ равишида пенсияларни ҳисоблаш учун қабул қилинган фоизларга кўпайтирилади.

Ёшга доир ёки I ва II гурӯх ногиронлик бўйича пенсиянерлар пенсия тайинлаш учун зарур иш стажига эга бўлмаган тақдирда, қайта ҳисоблашдаги пенсия миқдори мавжуд стажга мутаносиб равишида белгиланди.

Барча ҳолларда пенсияларга устама Президентнинг ПФ-4582-сон Фармонига мувофиқ 2013 йил 15 декабрдан республика худудида белгиланган энг кам иш ҳақидан – 96 105 сўмдан келиб чиқиб аниқланади.

Бўйруқ 9.12.2013 йилдаги 49 (601)-сон «Ўзбекистон Республикаси қонун ҳужжатлари тўплами»да расман эълон қилинган кундан кучга кирди.

АЛКОГОЛЛИ МАҲСУЛОТЛАР: ЯНГИ ЙИЛДАН ЯНГИ НАРХЛАР БЎЙИЧА

Молия вазирлиги ва Давлат солиқ кўмитасининг қарори (АВ томонидан 10.12.2013 йилда 2535-сон билан рўйхатдан ўтказилган) билан 2014 йил 1 январдан алкоголли маҳсулотлар учун янги энг кам улгуржи-сотиш ва чакана нархлар белгиланди.



Эслатиб ўтамизки, алкоголли маҳсулотларни (пиводан ташқари) қонун ҳужжатларида белгиланган энг кам чакана нархдан паст нархларда сотиш тақиқланади (Президентнинг 16.03.2007 йилдаги ПҚ-605-сон қарори билан тасдиқланган Алкоголли маҳсулотлар билан чакана савдо қилиш қоидалари 15-бандининг ўн учинчи хатбошиси; ВМнинг 13.02.2003 йилдаги 75-сон қарори билан тасдиқланган Ўзбекистон Республикасида чакана савдо қоидалари 60-бандининг ўн бешинчи хатбошиси).

Мазкур қоидаларни бузганлик учун Маъмурий жавобарлик тўғрисидаги кодекснинг 186¹-моддасида ЭКИХнинг 50 бараваридан 100 бараваригача миқдорда жарима тариқасидаги маъмурий жавобарлик назарда тутилган.

2014 йил 1 январдан алкоголли маҳсулотлар куйидаги нархларда сотилиши лозим:

Алкоголли маҳсулотларни номи	Ишлаб чиқарувчи корхоналарнинг энг кам улгуржи-сотиш нархлари (сўм)	Энг кам чакана нарх (сўм)
Вино	31.12.2013 йилгача 1.01.2014 йилдан	31.12.2013 йилгача 1.01.2014 йилдан
Ароқ ва бошқа алкоголли маҳсулотлар	2 750	3 300
Коньяк	6 250	9 400
	7 800	7 600
	9 500	11 400

Тақдим этилган ҳужжатларга қисқача шарҳларни эксперт-юристимиз Римма СОЛОДОВНИКОВА тайёрлади.

Ажабмаски, башорат қилинган «қулоқларини ўраб юрадиган»лар биз бўлсак, бу ўралган қулоқлар эса бугунги кундаги мобил телефонлар бўлса. Албатта, уяли телефонларнинг фойдаси, қулайлиги, долзарблиги хусусида бугун баҳсланиш бефойда. Лекин биз мақоламиизда мазкур алоқа воситасининг салбий жиҳатларини, келгисида у туфайли қандай оғатлар юза келини мумкинлигини, айниқса болалар учун у қанчалик зарарли эканлигини мулоҳаза қилишига ҳаракат қилмоқчимиз.

Ҳозирги кунда таълим муассасалари нинг деярли барча босқичларида таҳсил олаётганлар – мактаб, коллеж, лицей ўкувчилари, олий ўқув юрти талабаларининг деярли 100% уяли телефондан фойдаланади. Бу эса, назаримизда, бир қатор жисмоний, маънавий-руҳий зарарларни келтириб чиқаради. Хусусан, дарс вақтида болалар диққат-эътиборини чалгитади, ёшларнинг ўзаро муносабатларидан синфий табақаланишга олиб келади (менинг телефоним сеникidan қиммат қабилида), қолаверса, энг муҳими, камол топиб келаётган организмнинг соғлом шаклланишига салбий таъсир курсатади.

Соғлиқни сақлаш соҳаси олимларининг таъкидлашларича, уяли телефонлардан ҳаддан ташқари кўп фойдаланувчилар бош оғриғи, бош айланиши, нохушлик, қулоқ атрофида «иссиқлик»ни ҳис этиш, кўнгил айниши, тез чарчаш каби ҳолатлардан арз қилишади... уяли телефон орқали кўп гаплашувчиларда кўзларнинг ўшланиши, уйқусизлик, дармонсизлик ҳам кузатилади... Электромагнит таъсири ўтказилган каламушларда уларнинг авлодида ўлим сони ошганлиги аниқланган.

Мамлакатимизда таълим-тарбия жараёни самарадорлигини янада оширишни таъминлаш, ҳар томонлама ривожланган ва баркамол авлодни тарбиялаш учун зарур шарт-шароитлар яратиш мақсадида Вазирлар Маҳкамасининг 2012 йил 21 майдаги «Ўзбекистон Республикаси таълим муассасаларида мобил телефонлардан фойдаланишини тартибига солиш чоратадибайлар тўғрисида» 139-сон қарори қабул қилинган. Ана шу қарор билан тасдиқланган Ўзбекистон Республикаси таълим муассасаларида мобил телефонлардан фойдаланишини тартиби тўғрисидаги

ФАРЗАНДЛАРИМИЗ БИЗГА ҚУЛОҚ СОЛАДИМИ?

**ЁКИ УЯЛИ ТЕЛЕФОН НУРИДИЙДАЛАРИМИЗНИ
БИЗДАН «ОЛИБ ҚЎЙМАСИН»**



Бундан қарийб ўн беш аср илгари бир улуг инсон башорат қилиб, шундай замонлар келади, Машриқда турган инсон Мағрибдагининг гапини бемалол эшигади, деганда, содда одамлар «Уларнинг қулоқлари шунчалик катта бўладими?» деб сўрашибди. Шунда уулуг инсон улар қулоқларини чўнтакларида ўраб юрадиган бўладилар, деб жавоб берган экан.

Низомда барча турдаги таълим муассасаларида мобил телефонлардан фойдаланиш тартиби белгиланиб, у давлат ва жамият манфаатлари йўлида ўкувчи ёшларнинг соглигини сақлашда хавфхатарларни камайтиришда таълим олувчиликарнинг конституциявий ҳукукларини таъминлашга йўналтирилгандир. Ушбу Низомнинг 8-бандига кўра, таълим олувчиларга куйидагилар қатъян тақиқланади:

- телефонини бўйнига осиб олиш, кўкрак чўнтакларида, шим, юбкалари чўнтакларида ва шу кабиларда сақлаш;
- телефон аккумуляторини зарядлаш учун таълим муассасаси электр тармоқларида улаш;
- телефони ёрдамида: атрофдагиларга зўравонлик, шафқатсизлик, порнографияни тарғиб қилувчи видео ва суратларни намойиш қилиш;

таълим муассасасининг нуфузига, шу жумладан, зўравонлик ва вандализм ҳолатларини суратга олиш ва кейинчалик уларни атрофдагиларга намойиш этиши ўюли билан зарар етказиш;

– ўқув машгулотлари вақтида: телефон орқали сўзлашиш ҳамда SMS (MMS) ва бошқа турдаги хабарларни жүнатиш;

телефонни стол устига қўйиш; мусиқа, шу жумладан, наушник орқали тингглаш;

сурат ва видеотасвирларни кўрсатишида телефондан фойдаланиш (ўйинлар билан шуғулланиш), тасвир (матн, расм, видео-ёзув ва фотосуратлар) кўриш, диктофон, калькулятор, календарь, блокнот, ён дафтарчада кабилар сифатида фойдаланиш;

суратга олиш ва видеотасвирга тушириш;

телефон (GPRS, Bluetooth, Интернет ва шу кабилар) орқали бошқа хизматлардан фойдаланиш.

Низомнинг мазмун-моҳиятидан кўриниб турибди, у фарзандларимизнинг соғлом-саломат, маънавий жиҳатдан баркамол бўлиб ўсишлари учун монелик қилиши эҳтимоли бўлган мобил телефондан омилкорона фойдаланиш қоидларини белгилаб берган. Қолаверса, бундай телефонлардан фойдаланиша санитария нормаларига ҳам риоя этилиши лозимлигини унутмаслик кёро, замонавий техника тараққиёти маҳсулотларидан оқилона фойдаланиш саломатликнинг гарови эканлиги барчага маълумдир.

Бир сўз билан айтганда, бугун биз фарзандларимизнинг майда инжиқликларида кўниб, уларни турли русумдаги мобил телефонлар билан сийламоддамиз. Яқин келажақда эса шу фарзандлар бизга қулоқ солмайдиган бўлиб вояж етишса, мажозий қилиб айтганда, мобил телефонлар бизни фарзандларимиздан ҳам маънавий, ҳам жисмонан узоқлаштирса, додимизни кимга айтамиш?

Бундай бўлмаслиги ва ҳукуматимиз қарорларида бу борада белгиланган вазифаларни ҳаётта татбиқ этиш учун ўқитувчи ва мураббийлар, ота-оналар, кенг жамоатчилик бирдек масъулмиз.

**Муяссан АБДУЛЛАЕВА,
1-сон республика тиббиёт
коллеки ўқитувчиси.**

ҚУРИЛИШДА ЁНГИН ЧИҚМАСИН

МОЛ-МУЛКИМИЗНИ АСРАБ-АВАЙЛАЙЛИК

Кундан-кунга чирой очиб бораётган гўзал пойтахтимизда қурилиш, ободонлаштириш ишларини деярли ҳар бир кўчада кузатиш мумкин. Ҳашаматли иншоотлар, боғлар барпо этилиб, баъзиларида таъмиглаш ишлари жадал суръатларда олиб борилмоқда. Инсонларга энг қишин пайтда ёрдамга келувчи ёнгин хавфсизлиги хизмати ходимларидан ҳам ушбу масканларда ёнгин хавфсизлиги қоидаларига риоя қилиниши юзасидан назоратни кучайтириш талаб қилинади. Зоро, қурилиш меъёр талабларининг бузилиши кўнгилсиз ҳодисаларга олиб келиб, инсонлар ҳаётига жиддий хавф тудириши мумкин.

Бунинг учун қурилиш майдонларини ёнуви чиқиндилардан доимий тозалаш,

қўлбала электр иситиш анжомларидан фойдаланмаслик, очиқ оловдан фойдаланмаслик, кислород баллонларини тўғри сақлаш сингари бир қатор хавфсизлик талабларига риоя этиш керак бўлади.

Бундан ташқари, электр-газ пайвандлаш ишларида ёнгин хавфсизлиги қоидаларига риоя қилиш, қурилиш майдонида ёш болаларнинг ўйнаб юришига йўл қўймаслик керак. Ана шу каби ёнгин хавфсизлиги қоидаларига риоя этилгандағина биз ўзимиз ва давлатнинг мол-мулкини асраб-авайлаган бўламиз.

**Рустам ТЎХТАМУРОДОВ,
Шайхонтохур туман ИИБ
ЁХБ инспектори,
кичик сержант.**

ЭЪЛОНЛАР

СОТИШ

Ташкилот фойдаланишда бўлган, яхши ҳолатдаги папка-регистрларни арzon нарҳда сотади. Тўлов – исталган шаклда.
Тел. 185-91-83.

ЮРИДИК ХИЗМАТЛАР

Жиноят ва фуқаролик ишлари бўйича адвокат, юридик хулосалар бериш. МЧЖ, XКни мутлақ сифат даражасида рўйхатдан ўтказиш, қайта рўйхатдан ўтказиш*. Тел.: 936-06-02, 970-65-91.

Кўчмас мулк бўйича юрист маслаҳатлари. Кадастр*. Тел. 346-16-89.

ADVOVAT ELITE. Судларда вакиллик қилиш. Корхоналар, ваколатхоналарни рўйхатдан ўтказиш, қайта ташкил этиш ва уларга юридик хизмат кўрсатиш*. Тел.: 281-52-39, 346-16-89.

ХИЗМАТЛАР

Иш ҳужжатларини муқовалаш. Тел.: 556-61-31, 974-54-03.

Архитектура лойиҳалари ва дизайн*. Тел.: (+998 91) 162-60-17.

Картрижларни тўлдириш. UzKART, ОН-ЛАЙН терминаллар жойига чиқиш билан. Тел.: 235-19-91, 171-99-28, 162-34-55. www.likan.uz

Ташкилотлар учун компьютер ва майший техникани ҳисобдан чиқариш учун ҳужжатларни тайёрлаш. Тўлов – исталган шаклда. Тел.: 236-76-46, 233-74-95, 233-17-56.

*Хизматлар лицензияланган. Товар сертификатланган.

Иктисодий-хукукий газета

НОРМА МАСЛАХАТЧИ

ХУКУК
СОЛИҚЛАР
БУХГАЛТЕРИЯ

ТАССИСЧИ “Norma Hamkor” МЧЖ
Газета 2006 йил 26 декабрда
Ўзбекистон Матбуот ва ахборот
агентлигига рўйхатта олинди.
Рўйхат рақами 0074.

БОШ МУХАРРИР
ФАРХОД КУРБОНБОЕВ
ТАҲРИРИЯТ МАНЗИЛИ:
100105, Тошкент ш.,
Миробод тумани,
Таллимаржон кўч., 1/1,
Таҳририят тел. 283-44-27
Обуна бўлими тел. 200-00-30
E-mail: gazeta@norma.uz,
normapress@mail.ru,
www.norma.uz
Нашр учун масъул:
Нодир Алимов

Муаллифлар фикри доим ҳам таҳририят нуктига мос көлавермади.
Таҳририят муштарилар билан взишиб турни имкониятига эга эмас.
«Норма маслаҳатчи»да эълон килинган материялларни тўлиқ ёки қисман кўчириб босиш, электрон ва бошқа манбаларда кўпаштириши, марказишига фақат «Norma» газеталари бирлашган таҳририяти» МЧЖ билан тузилган шартнома асосида йўл қўйилади.

Газета ношир – «Norma» МЧЖнинг компютер базасида терилиди ва саҳифаланди (Тошкент ш., Миробод тумани, Таллимаржон кўч., 1/1).
Индекс – 186 Буюртма 1335 Бичими – А3, ҳажми – 2 босма табоқ. Адади 2125. Баҳоси келишилган нарҳда Газета 2013 йил 23 декабрда соат 20.20 да топширилди.

ISSN 2010-5223